

JONA

Porofete gâcne jaŋere papia honepene moc ekac, â Jonare honepene moc ekac. I kecziŋucte: Magnao dâŋ forakac i Jonazi mu qâreŋ mi ewec. Jona e hâmmome jara 300 juwefuku Israe ȳic jaŋe kâpâcwârue nec risierâ mocwâc mâreŋ-jerjicko juhapie ȳic moczi Jonare dâŋ gâcne qâreŋkekiecne fowec ira iticnehuc Jonare binaŋ bahuc qâreŋkewec, manapene iȳuc ekac. Erâ sifu Jona e Anuture giedâŋ qatarazo ewec irec dâŋ mufuakacte, â Wofuŋ Anutu buuruc â manjaun-ticnere fuŋne mujangenȳekacte papiare manapene furi sâko ekac.

Papia i zorice aricne, gâŋticne 4 sawa, erâ sifu findaŋdâŋ â Anuture dâŋ farine â furi sâko mufua-nârekac. Dâŋ fârine kecziŋuc hâcne: Anuturao buuruc â manjaun fokac izi qâpuc jaŋerao fotâcnekac wâc. Dâŋ izi hâcne Jona papia-ticnere dâŋgizecne ekac.

Jonare binaŋ qâreŋkewec ȳic ere fuŋne ziȳuc fua taniȳkeme honengopenenȳ: ȳic e Judaȳic jaŋere maname sâqorewec i kecziŋucte: Israe ȳic jaŋe Anutuzi rowosâec-jopame ȳicgurufâc-ticne moc buc embiȳte maȳfefe ehuc ȳicguru gâcne sâko qaisoc-jopambiȳ â mana wahac-jopambiȳ. Qâreŋȳic eki ine porofete Jesaja ere dâŋte sâcko jaha. Anutu aki anonoc â buuruc-ticnere fuŋne kecziŋuc mutaniȳkewec: Anutu e mâreŋȳicfâc-ticne sasawa, miti mamana â qâpuc, nâŋâcnere maname furi sâko ekacte busâqoc mana-nârehuc akic-nâpoocte muekac. Dâŋ iȳucne i Judaȳic jaŋe kâpâcwârue jumbiȳ damen irec juwicnao moc mi mupie fua jujec. Izi wâc ziȳuc mufua-nârekac: Jonare papia i damen irec juwicnao mâcne, damen irec faicnao qâreŋkekiecne. Mâc Jona jahacne juhame wiac fuawec i ine jâmbomac kâpâcwârue damen juwicnao fua-fârewec.

Eme Jona e mo damenȳo juwec? Israe ȳic jaŋere ȳicwofuŋ Jeroboam II eki juhame juwec. Jeroboam II e ine jara 787-747 damen ȳonden ira ȳicwofuŋ juwec. Erâ ȳicwofuŋ jaŋere papia II, gaŋ 14:25 ira porofete moc zâŋene Jona ere dâŋ qâreŋkekiecne fokac i binaŋ-ticne zira bahuc qâreŋkekiecne Jona ere hâcne.

Papia magnaŋ dâŋ kecziȳuc mutaniȳkekiecne: Wofuŋ Anuture mamana birio dâŋ fokac i ȳiczi mi mamana tarane. Qâreŋȳic e sambâŋ Mamac-nâgecte fuŋne iȳuc hâcne nâzâ nâwotuc eocte Jonare binaŋ bahuc qâreŋke-nârewec. Nâŋâc Anuture fuŋne hone manac erâ e warecke sâqorehuc dapecnerâ muten bâteŋ ecnenanȳte qâreŋkewec hâcne. Mamanasiȳko Wofuŋte fuŋne jâmbâŋ mana tarananȳte nâzâ qazuc ehuc Jonare binaŋ banârewec. Erâ moc ziȳuc mananaŋ: Qâreŋȳic e damen ira Juda kikefuŋ jaŋe biac miti kiȳaŋ gie baniȳte baafec-jopawec, Jesu e mâreŋȳko mi wahahame.

Wofuŋzi Jona giedâŋ mucneme wisewec

1 Wofuŋte dâŋ Amitaire ȳokâ Jona eraŋo kecziȳuc fuawec: ²“Ajoc, go zawierrâ Niniwe hae sâkoo rac, erâ hae irec rune uȳdâŋ jazac, sindaŋ-jerjicte fânâŋzi norao fisikacte hahâŋne bahuc jazazemec hâcne!” ³Jonazi ine Wofuŋte zâŋe maionec wiserâ Tarasisi haeŋo raocce Jope haeŋo hurawec. Ira woke moc Tarasisi haeŋo razo eha bâfuawec. Erâ Wofuŋ wisecnerâ jaŋehac Tarasisi haeŋo raocce woke furine barâ fewec.

⁴Eme Wofuŋzi mume mâŋâŋ hâhâwicne qame hâwec sâqore-jâmbâŋkeme wokezi fâuckezo ewec. ⁵Eme wokenȳic jaŋe hâwic-jopame nemufâc-jerȳic ru

sâc wira wâwâsic ejarembij. Erâ wokezi afeckeocte wokere mafa wiac gâcne i hâwecko behepie huwec. Jona e ine woke fâhângnao hurâ guḡsanaḡ fowec. ⁶ Ehame wokere kapitengzi hurâ Jona zīguc muhuc dāḡ mucnewec: “Go fuḡne wenigucte guḡ fokomec? Ajoc, faharerâ nemuge wira wâwâsic ecnec, eme eki mecne busâqoc mana-nârehuc ḡezic-nâpoha mi sipirickenagmu.”

⁷ Eme jaḡe jaḡackoaḡ kecziḡuc mumbij: “Ajoc, qangec qanaḡ, eme more erâ wiac hâhâwicne zi fua-nârekac irec fuḡne taniḡkezejec.” Jaḡe iḡuc murâ qangec qapie Jona âke fuawec. ⁸ Âke fuame zīguc wiocnembij: “Go nâzâc, wiac zi more erâ fai-nâḡecko fekac? Go wemo gie bahuc juekic erâ wenirec warekomec? Go mâreḡ wenirec erâ ḡicguru weni jaḡeraonec?”

⁹ Eme eki zīguc muwec: “No Hebiraio ḡic, erâ no, sambâḡ Wofuḡ Anutu hâwec â mâreḡ bâfuac-jofawec, e hâcne araḡ bacneekopac.” ¹⁰ Iḡuc mume ḡic jaḡe mâretec hâwic-jopame zīguc muhuc âzâcnembij: “Ec, go wemo wiac emeḡ?” E Wofuḡ wisecnewec irec fuḡne qanaḡ mufua-jarewecte manasuhuc iḡuc âzâcnembij.

¹¹ Eme hâwec sâqore-jâmbâḡkeha zuhuckerâ zīguc muhuc wiocnembij: “Weniguc egarepene hâwec benoḡ baocmu?” ¹² Eki muwec: “Rocnurâ hâwecko behecnupie hupe benoḡ baocmu. No manakopac, hâwec sâqore-jâmbâḡkekac i nore erâ ekac hâcne.” ¹³ ḡic jaḡe ine woke moḡḡengkopec raocte samarierâ foickehuc gie sâko bambij, hâweczi ine siri sâko qawecte eipiembij. ¹⁴ Irece Wofuḡ wira wâwâsic ecnehuc zīguc mumbij: “O Wofuḡ, go ḡic kecziḡec erâ mi bâsirowec-nâpoc, go micdâḡgere sâcko wiac eekicte iḡic keczi hâwecko behepene hume irec kiḡ i nâḡerao mi batarazemec.” ¹⁵ Jaḡe iḡuc muhuc Jona rorâ hâwecko behepie hume benoḡ bawec. ¹⁶ ḡic jaḡe ine Wofuḡte mâretec hâwic-jopame bâzi hezu rikec ecnehuc wiac biagḡe gâcne eniḡte mumupaḡ dāḡ mumbij wâc.

¹⁷ Ehame Wofuḡzi hâwec qowi sâko moc ecneme ware Jona qâckewec. Eme Jona e qowimaḡko foha ḡafe zoaḡ jahec â moc tarawec.

Jona e Anutu numucneme manacnewec

2 Eme Jona e qowimaḡko fohuc Wofuḡ Anutu-ticne kecziḡuc muhuc numucnewec:

² “No zârâ zâpâ faio fohuc

Wofuḡ wira wâwâsic ecnepe mana-narewec.

No hâmoc hao juhuc kio wâwâsic egarepe
go wira wâwašic-nane manameḡ.

³ Go zâkâḡ sâkoo tuḡnutec hupo,

hâwec zâkâḡ fâhângnao hâcne,

eme zâkâḡ sâkozi foḡnuwec,

hâwec siri â tembongezi qâurucnu-fârewec.

⁴ Eme kecziḡuc manapo:

‘No zâḡe maigaonec tuḡnukicne

irec tiri ufunḡe wemocko mocwâc honepemu.’

⁵ Opâ sâkozi qâurucnume juju-nane omaezo ewec,

zâkâḡ sâkozi foḡnuwec

â hâwecte gagaraczi qizec-nane qâfisewec.

- ⁶ No mârenj funjezi hâwecmanjko hurâ tarakac
irec sâc hujâmbânjkepo,
eme mârenjko ririsiere motâc basananjkekicne fowec;
goki ine nombânjkonec mocwâc bawefucnumenj,
o Wofuj, Anutu-nane.
- ⁷ Manjane betanjkehamen Wofuj gore manasupo,
eme nunumu-nanezi gorao hefâku
tiri ufurjgao fisiwec.
- ⁸ Nemuqân jabane dape-jarenigmu
jaje jâcsanan-jenjic râpeckenigmu.
- ⁹ No mutenj bâtenj egarehuc taha bagarepemu;
no dâj mupanjkepo i ejâmbânjkepemu hâcne.
Wiac Wofuj go nejezic-nânjec jukomec i!"

¹⁰ Eme Wofuj e qowi mucneme Jona tijko manjume fewec.

Niniwe hae rune jaje manjenic bârisiembij

3 Eme irec faicnao Wofujte dâjzi Jonarao mocwâc fuame jajahec ewec ine kecziñuc: ² "Ajoc, go zawierâ Niniwe hae sâkoo rac, erâ hae rune dâj gazape sâc jazazemec." ³ Iñuc mume Jonazi faharerâ Wofujte michte Niniwe hao rawec. Niniwe i hae sâko mako ñewec, hae i fotâcne-ñinte rahuc juhapie 30añ jahec â moc tara jujec. ⁴ Eme Jona e funjerâ hao ferâ rahame 30añ moc taramen dâj hahajne bahuc kecziñuc muwec: "Ñafe 30añ 40 sawa fokac, taramen Niniwe hae siroweocmu." ⁵ Eme Niniwe hae rune jaje Anuture dâj mana zakiembij â sowa juju fuaocte zâfo bambij, ehuc kâcqene mecne piticne mecne jaje mâmâc matej hepie hufârewec.

⁶ Eme irec biñe Niniwe ñicwofunjaŋo ra fisiwec. Fisime manarâ eri ñeñe-ticnaonec wahaŋâ eri ñaqi-ticne hetaraŋâ matej jaha heme hume zaŋeo waha ñewec. ⁷ Erâ dâj kecziñuc râmen raku Niniwe hae sâcke-fârewec: "Ñicwofuj â fekicnefâc-ticne jaje dâj zñuc mungopien: Moczi moc nânâ wiac mi nâjâmbânjkezejec, ñic â qowi mecne, lama bulimakao mecne, jaje nânâ opâ moc mi nânzeñien. ⁸ Ehuc ñic â qowi matej hepie hufâremen Anutu samariarâ kio wâwâsic ecnenzeñien, erâ eebapa sâqocne i ru sâc râpecke-fârehuc ñic bâbâzâic-jopa i behenzeñien. ⁹ Iñuc epene Anutuzi busâqoc mana-nârehuc manje risiemen kimbenj-ticnere zocbârũj bâurũjkerâ akic-nâpome mi mecne sirowenanjmu."

¹⁰ Jaje iñuc ehuc hata-jenjic sâqocne râpeckepie Anutuzi honewec. Honerâ busâqoc mana-jarehuc manje risiemen okacne fisi-jareocte muwec i behewec.

Anutuzi Jona mu tutuc ecnewec

4 Iñuc emen Jona e mâreten mana sâqorerâ aarickewec. ² Ehamen Wofuj kecziñuc numucnewec: "O Wofuj, no mârenj-naneo juhuc irec hâcne mupo, erâ damen ira iñucte hâcne Tarasisi hao rapemurâ wisepo; funjege manapo, go aki anonoc â buurucgehec, kimbenje unenje â eehâmoge zâkânnehec, erâ ñic kiñ behe-jarehuc âgo eejare i mai fogarekac. ³ Irec, Wofuj, go manahanjtec hâmozepac; no hâmocte boc enareha jujure takicnukac." ⁴ Eme Wofuj e dâj zñuc bâtikiecnewec: "Go aaric manakic i

sâckekac me?" ⁵ Eme Jona e haeonec waharâ hae mendânko 30aŋ wewe-fuopec boze barâ maŋnao mumucko ɣewec, hae iɣuc me iɣuc fuacneme i honeocte.

⁶ Ɓehame Wofuŋ Anutu e mume turajâc moc ututuŋ fua sokac ewec, i Jona mumuc biaŋ bâfuacneme bune urueocte. Eme Jona e turare boc aŋackewec. ⁷ Eme ɣafeo fohapie hae mi fure tanigkeha Anutuzi paruc moc ecneme fisi tura fuɣne nâŋgârâŋkeme ururuckewec. ⁸ Izi 30aŋ wefume Anutuzi mume 30aŋ wewefunaonec mârâŋ fârone qawec. Eme 30aŋzi Jona qizecnao âeckekume docke sâqorerâ hâmoocte ecneme muwec: "No juju qikiɣnehuc hâmocte manape biaŋkekac." ⁹ Eme Anutuzi Jona âzâcnewec: "Go turare aaricgukac i sâckekac me?" Jonazi muwec: "Aaricnukac i sâckekac, â hâmozo mukopac i sâckekac jaha." ¹⁰ Eme Wofuŋzi dâŋ 3iɣuc bâtikiecnewec: "Go tura giene moc mi bamec â mi jaŋketec fua sokac ejec, i ɣafe mocko fuajec â ɣafe mocko omaejec, eme irec buge sâqorekac. ¹¹ Eme Niniwe hae sâkoo ɣic ɣokac naru motec jaɣere 3are 120 tausen jâurukac jaɣe hata i me i âteninɣte kâuc baɣɣopieŋ, â bec qowi wemo afecne juŋgopieŋ wâc. Eme jaɣere erâ bunane mi sâqoreocte mukomec me?"